

田一鳴選註

軍事國文選

白崇禧題



軍事國文選序

余讀周禮，知古者教民以六藝，曰：禮、樂、射、御、書、數，文事武備，未嘗偏廢也。絳灌無文，爲世所恥，故歷來名將，鮮不折節讀書，遂日以開益，成其功業。

閒嘗思之，夫知古，所以鑑今；軍人爲國干城，負捍衛民族發揚國威之重任，苟不明古今變革之理，知奇正運用之妙，集思廣益，融會而貫通之，殊難期其達成保衛民族，揚我威武之使命。故軍人之折節讀書，豈徒以武夫不文，乃必令其埋首於句章之間，效俗儒之所爲邪？

昔益陽胡氏，於軍務倥傯之際，有讀史兵略之輯，考據周備，學者稱之。茲田子一鳴，復仿其意而輯軍事國文選，博採羣籍，起自春

秋而迄於清季。期以激發青年之愛國熱忱。摩厲軍人之崇高武德。俾能知往事，策來茲，爲事之善。未有甚於此者也！「軍中常苦多務，恐不容復讀書」，此吳下阿蒙語也，持斯言以自文其陋者，是殆終爲吳下蒙阿之流，曷足以語此。

中華民國三十四年四月

澄邁王俊序

軍事國文選序

田一鳴先生編軍事國文選既竣，問序於予。予受而讀之，凡錄國語、左傳、史記、通鑑，暨宋、元、明、清史敘戰役者七十篇。採摭既富，音釋亦備，誠善本也。

竊謂文武分途，兩千年於茲矣。武夫不學無術，好勇鬥狠；文士迂腐疏闊，昧於形勢。其能兼擅，如唐之高適，以節度使而長於詩，宋之辛棄疾，以名詞人而綰兵符者，蓋寡。

況當今日，國難嚴重，而學術窳敗。田先生所謂「使習文者知武，習武者知文，合文武於一爐」者，誠治世之良圖，救國之上策也。茲編之選，其安可緩？世風丕變，將是賴歟？

抑有進者：西史所載名將戰績，如亞歷山大，凱撒，查理大帝，

拿破崙，以迄上次大戰，其可歌可泣，足資借鑑者，在在皆是。倘有名家逐譯以餉國人，裨益應非淺鮮。田先生其有意乎？

國立東北大學文學院長，巴黎大學文學博士，陸侃如敬序，時民國三十四年五月一日。

軍事國文選序

一鳴兄以其所編軍事國文選付序於余。余受而讀之，見其立意之佳，選材之精，註解之詳且盡，其有裨於軍事，有助於讀者，誠非淺鮮矣。

斯類之作，曩者余任中央軍校政治主任教官時，曾有特種國文選之著。其編輯體例，以體製爲綱，思想爲目。曰紀敘，曰傳記，曰議論。曰詩歌，曰應用。曰劇曲，此體製之大端也。於每體之中，精選古代及近代可歌可泣之愛國故事，可欽可敬之民族英雄傳記，忠民族孝國家之嘉言讜論，悲歌慷慨之詩詞雜曲等系之。此內容思想之大端也。斯著發刊後，不但軍校各期生用作教本，即其他文學校亦爭相採用。其於青年國家民族意識之培養，愛國思想之增進，倘亦收有相當

效果乎！

一鳴之作，其編製自與余所事稍有出入，然其主旨大都不離乎國家民族意識與愛國思想之培養與增進。而其採用兵法術語以爲主題，採擷歷代從越王勾踐以來至清季左宗棠收復伊犁爲止有名之戰爭史實與夫兵法中關係成敗利鈍之名理名論以爲其思想內容。事實與理論互相發明，用兵原則與練兵方法互相引證。散一理於萬殊，合萬殊於一理，且於兵法戰陣之研精中，寓國文技術之修養，余敢信一鳴斯著之刊行，其裨益軍學，效果之宏當非余曩昔之作所能望其項背也。余於此謹以至誠，預祝一鳴斯著之成功。

中華民國三十五年六月二十日

孫假工謹序

軍事國文選自序

重文輕武，爲我國最深惡習，流毒所及，國幾不國，鑒往追來，豈可仍蹈覆轍，而不爲之一掃文弱頹風以圖振興乎？夫兵者，經天緯地之大業，戡邦奠國之鴻猷，聖人所以禁暴、定功、安民、和衆，非以芻狗生靈，而荼毒天下者也！後世一孔之儒，不師仲尼射御分科之旨，輒以談兵爲誡，因而文武分途，謬矣。縱觀歷代賢哲：文武兼資者，伊尹、周公、方叔、召虎、管仲、樂毅尙矣；彼班超、羊祜、杜預、宗慤、李靖、裴度、王守仁輩，莫不奮起儒業，建立殊勳；青年學子，爲國中堅，應知有文事而無武備，不足以任國家之大事，觀此，當知所以效法矣。

昔晉作三軍，謀元帥，卻縠之所以將中軍者，爲能「說禮樂而敦詩書」；范仲淹亦嘗勉狄青曰：「將不知古今，匹夫勇耳」。因而授

以左氏春秋；之二人者。皆文之於既武之後也！然則軍人安可以赳赳自足，而不折節讀書。致貽「不學無術」之譏乎？故必進而明於進退奇正之方，深於仁義廉恥之道，上有體國之念，下懷救民之心，博通古籍，尙友古人，此又我有志軍人，所當自勉者也。

「隨陸無武，絳灌無文」，劉淵嘗引爲恥。爲使習文者知武，習武者知文。合文武於一爐，俾相得而益彰起見，忘其譴陋，博採諸書，起自春秋，迄於清季。擇其可以激發青年愛國思想，振奮青年尙武精神，與夫可以摩厲軍人武德，增進軍人智謀者，慎重取捨，着意剪裁，擷其精華，刪其繁冗，成軍事國文選一書，計國語一篇，左傳三篇，史記一四篇，通鑑二八篇，宋史四篇，元史三篇，明史四篇，清史稿三篇，合得七〇篇，彙爲一集，一得之愚，苟有利於建軍前途，則跋余望之矣。

田一鳴於重慶含谷場軍次時中華民國三十四年元旦

軍事國文選凡例

- 一、本書取材標準有六：一、可以激發愛國思想者。二、可以振奮尙武精神者。三、可以摩厲軍人武德者。四、可以增進用兵智謀者。
- 五、一事記載能構成一戰局者。六、文字簡練，結構謹嚴者。
- 六者中特注意前三者，否則戰役雖大，文字雖佳，在所摒棄。
- 二、本書編次着眼有三：一、以戰役整體爲重心，而不注重個人史實之記述。二、與軍事無關及過於繁冗者，予以刪節，餘均直錄原文。三、編訂目次，悉依原書先後順序，以便讀者查考。
- 三、本書各篇，或取篇中警句，或取孫子兵法，或用適當成語，冠以四字標題，概括全篇大意。
- 四、本書所舉地名，今古變遷甚大，除爲一般人所習知者，不加注釋

外，經再三考證，查對最近地圖，註明其方向位置於篇末，讀者依註按圖，則當時戰役經過情形，躍然紙上，不啻身歷其境矣。至於篇中費解之字句，亦摘要註釋其音義，惟軍中參考書少，多憑個人管見，漏誤之處，或所難免，讀者諒之。又本書註釋，疑者缺之，且已一再見於前篇者，則以後各篇從略，蓋期讀者能從頭卒讀也。

五、本書各篇，予以分段，并標點原文，以期醒目，而使讀者。

六、本書可作本國軍事史讀，鑒往知來，有所啓示。例如項羽鉅鹿之戰，光武昆陽之戰，周瑜赤壁之戰，謝玄淝水之戰，韓世忠黃天蕩之戰，岳飛偃城之戰等，莫不以一當十，乃至以一當百，此種戰績，爲西歐所絕無者。德名將克勞塞維茲戰爭論有云：「以戰史作證，以寡勝衆，百不得一：以腓特烈大王與拿破侖之雄才大

略，一以兵力三萬戰於科林，爲奧軍五萬所敗；一以兵力十六萬與奧普聯軍二十八萬作殊死戰，終歸失敗；可見將帥智力過人，亦不能戰勝超過自己兵力二倍之敵人」。兩相對照，相映成趣。蓋我重精神，彼重物質；明乎此，則我之能與優勢頑敵，抗戰八年，而能贏得最後勝利者即可渙然矣。

七、本書雖不注重個人史實之記述，然成功名將，亦不過此一二有名之戰役而已，故又可作歷代名將傳讀。

八、本書可作各軍事學校學員生國文必修讀本，及高中以上學生國文補充讀本之用。以期增進其理解與寫作國文之能力。

軍事國文選目錄

國語一篇

- 一 明恥教戰——越王勾踐滅吳……………一

左傳一三篇

- 二 師克在和——楚鄭蒲騷之役……………五
- 三 一鼓作氣——魯齊長勺之役……………六
- 四 不義致敗——晉秦韓原之役……………八
- 五 煦煦爲仁——宋楚泓之役……………一〇
- 六 師直爲壯——晉楚城濮之戰……………一二
- 七 利令智昏——秦晉殽之役……………一〇
- 八 不矜不伐——楚晉郟之戰楚子不爲京觀……………二三

九 功成不居 三二

一〇 好整以暇 三五

一一 虛聲遁敵 四三

一二 各個擊破 四五

一三 不和必敗 四七

一四 禮重國殤 五二

史記一 四篇

一五 破釜沈舟 五五

一六 嚴不可犯 五八

一七 恩威並濟 六〇

一八 因勢利導 六三

一九 反間克敵 白起長平之戰 六五

二〇 擊其情歸 王翦破楚之役 六七

二一 欲擒故縱 趙奢闕與破秦之役 六九

二二 膠柱鼓瑟 趙括長平之敗 七〇

二三 利而誘之 李牧誘破匈奴 七二

二四 出奇無窮 田單以卽墨拒燕 七四

二五 死中求生 韓信背水破趙 七六

二六 足食足兵 酈食其說沛公止陳留 八〇

二七 不動如山 李廣解鞍退敵 八二

二八 欲取先予 匈奴冒頓滅東胡 八五

二九 屯田制敵——漢紀趙充國屯田平羌……………八九

三〇 見大敵勇——漢紀光武昆陽之戰……………九九

三一 馬革裹尸——漢紀馬援平交趾……………一〇三

三二 威服西域——漢紀班超平西域……………一〇四

三三 虛者實之——漢紀虞詡增灶破羌……………一一〇

三四 三分定局——漢紀周瑜赤壁之戰……………一二二

三五 親而離之——漢紀曹操破馬超韓遂等於潼關……………一二八

三六 攻心爲上——漢紀諸葛亮平南夷……………一二二

三七 忍辱負重——漢紀魏司馬懿拒諸葛亮於五丈原……………一二三

三八 鈍兵挫銳——晉紀桓溫伐秦白鹿原之敗……………一二五

三九 行權御將——晉紀秦王猛滅燕之役……………一二六

四〇 兵驕必敗——晉紀秦苻堅淝水之敗……………一二三

- | | | | |
|----|------|-----------------|-----|
| 四一 | 得道者昌 | 晉紀劉裕首義討伐桓元 | 一四〇 |
| 四二 | 料敵制勝 | 晉紀劉裕滅南燕之役 | 一四五 |
| 四三 | 唱籌量沙 | 宋紀檀道濟救滑臺之役 | 一五二 |
| 四四 | 同舟共濟 | 宋紀沈璞臧質守盱眙 | 一五三 |
| 四五 | 廉明馭衆 | 宋紀宗慤伐林邑之役 | 一五六 |
| 四六 | 赴義讓利 | 梁紀韋叡救鍾離 | 一五七 |
| 四七 | 隨機拒敵 | 梁紀魏章孝寬守玉壁 | 一六一 |
| 四八 | 智勇卓絕 | 隋紀李世民破宋老生之役 | 一六三 |
| 四九 | 當斷不斷 | 唐紀李密北邙山之敗 | 一六七 |
| 五〇 | 勇敢果決 | 唐紀秦王世民破降竇建德與王世充 | 一七一 |
| 五一 | 橫掃漠南 | 唐紀李靖李世勣平突厥 | 一八一 |
| 五二 | 亂而取之 | 唐紀李勣等平高麗 | 一八三 |